

مطبعه و محل اداره :

جفال اوغلنده امنيت
صندوغی جوارنده
شنگول يقوشنده
۲۲ نومرو

مشتاقنامه صراط مستقیم

اخطار :

مسلكمزه موافق آثار
جدیده مع الممنونیه
قبول اولنور

درج ایلمهین آثار اعاده اولتماز

دیر ، فلسفه ، علوم ، حقوق ، ادبیات ، تاریخ ، سیاست ، و بالخاصه احوال و شئون اسلامیه بحث ایراد و هفته ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرلهدن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

آلتنجی جلد

۲۷ ربیع الآخر پنجشنبه ۱۴ نیسان ۳۲۶

عدد : ۱۳۸

۳۳ - قال يا آدم انبئهم بأسمائهم فلما انبأهم بأسمائهم قال الم اقل لكم اني اعلم غيب السموات والارض واعلم ما تبدون وما كنتم تكتمون

[بونك اوزرينه ذات اجل اعلى] بيوردي كه يا آدم آنلك اسمائى بونلره انبا و اخبار ايت [اراده عليه وجه ايد انبا و اخبار وقوعه كلى] ايمدى [آدم] بونلره آنلك اسمائى خبر ورنجه [جناب حق ملائكه] بن سزه سماوات وارضك مغيباتى بيلورم و سرك ايدا و اظهار ايلديككز و كتم و اخفا ايلمكده اولديغكز امورى ده بيلورم ديمدمى [سماوات وارضك مغيباته اطلاعى و اثرى نفوسكزده ظاهر و ضمائر و طبائعكزده مستتر اشيايه علم و وقوفى « انى اعلم ما لا تعلمون » قول كريمده سزه اجمالاً سويله مدمى] بيوردي « واعلم ما تبدون و ما كنتم تكتمون » قول شريفى اولكى « اعلم » اوزرينه معطوفدر ، ظاهر اولان بودر ؛ شو حالده اولكى ايله برابر ايكنجى قول تحتنده داخلدر . « المقل » جمله سى اوزرينه معطوف اولمى ده محتملدر ؛ بو تقديره كوره ايكنجى قولك تحتنده داخل اولماز - م . بو آيات كريمه انسانك شرفه و علمك عبادت اوزرينه فضل و مزيتنه و علم ، خلافتك عمده شرائطى بولنديغنه و معلم لفظى عرف و عادتده تعليمى ، نعمت ايدمى اولانلره مختص اولديغى ايچون جناب حقه اطلاقى صحيح دكسه ده تعليمك ذات الوهيتنه اطلاق و اسنادى صحيح اولديغنه دلالت ايدور - ق .

خانم ملك سليمانست علم
جمله عالم صورت و جالست علم
مثنوى

ما تقدم من معلوم اولدى كه بتون بو اقوال و محاوراتك حقيقتى معرفتده سلف جناب حقه تقويض امر ايتمش و يالكز بوكى اقوال و محاوراتك حكمت و فائده سنه اطلاع ايله اكتفا ايلمشلردر . خلف ايسه بوكى احوالده تأويله التجسس ايدرلر . آنلك بومقامده سالاك اولدقلى افضل طرق مسلك تميلدر ؛ جناب حقا ككتاب عزيزنده عادت الهيئسى ، اشياء مغنويه بى بزه قوالب الفاظ ايچنده ابراز ايلمك و معارف معقوليه بى بزه صور محسوسه ايله تجلى ايتدرك اوزره جارى اولمشدر ، بوده امر تفهيمى تسهيل و حقيقت حالى اذهانه تقريب ايچوندر . شو حاله نظراً بى بزه قصه ايله كنديلر مذك قيمتى و فطرتك بزه سائر مخلوقات اوزرينه مابه الامتياز من اوله رق توديع ايلديكى احوال و كفياتى او كرنك ؛ بناء عليه بى ملائكه و سائر مخلوقات اره سنده خاصه كندينه مستعد اوله رق خلق اولنديغمن علوم ايله نفسلر مذك تكملنه بذل مقدرت ايتلى بى بزه تا كه بزه حكمة الله ظاهر اولسون و حضرت بارينك ملائكه بى بزم فضيلتمزى بيلدirmسك معنائى و آنلك بى بزم اصلمزه سجده ايتلرينك معنائى نديمك اولديغى فهمه او زمان بلكه تقرب ايدرز . « و يضرب الله الامثال للناس لعلهم يتفكرون » - ع .

بركت زاده

اسماعيل حقي

التجريد الصريح

لاحديث الجامع الصحيح

۱۶۱ - رحمه

انس (بن مالك) رضى الله عنهن نبى اكرم صلى الله عليه وسلمك « بريكر نمازده اويوقلارسه اويوسون . تا كه نه اوقودىغنى بيلسون » بيورديغى روايت اولونيور .

۱۶۲ - رحمه

ينه انس (بن مالك) رضى الله عنهن نبى محترم صلى الله عليه وسلمك هر نماز وقتنده آبدست آلا (مق معتادى اول) ديغى روايت اولونيور . - (واقع اولان سؤاله جواباً) انس (رضى الله عنه) : « (بزه كلنجه) هر برمه حدث واقع اولدقجه (بروقتدن زياده نماز ايچون) ر آبدست كفايت ايدردى » ديمش .

۱۶۳ - رحمه

(عبدالله) بن عباس رضى الله عنهما نك شويله ديديكى روايت اولونيور : (بردفعه) نبى مكرم صلى الله عليه وسلم مدينه ياخود مكه [۱] ديوارلردن برينك يانندن كيوردى . قبرلرنده عذاب كورن ايكي انسانك سسنى طويدي . نبى محترم صلى الله عليه وسلم : « بونلر عذاب [۱] بوشك راويلردن برينكدر .

۱۶۱ - مريت شريف

عن انس رضى الله عنه عن النبي صلى الله عليه وسلم انه [۱] قال اذا نعت احدكم [۲] في الصلاة فليمن حتى يعلم ما يقرأ [۱] الله كى بخارى نسخه لرنده (انه) يوقدر . [۲] بعض روايتنده (احدكم) ساقطدر .

۱۶۲ - مريت شريف

وعنه رضى الله عنه ان النبي صلى الله عليه وسلم كان يتوضأ عند كل صلاة . قال وكان يجزئ احداً الوضوء ما لم يحدث .

۱۶۳ - مريت شريف

عن ابن عباس رضى الله عنهما قال صلى الله عليه وسلم بحائط من حيطان المدينة او مكة فسمع صوت انسانين يعذبان في قبورها . فقال النبي صلى الله عليه وسلم يعذبان وما يعذبان في كبير . ثم قال بلى كان احدهما لا يستتر [۱] من [۱] بر روايتده (لا يستبرى) .

بوله وكان الآخر يمشى بالنميمة . ثم دعا بجريدة رطبة فكسرها كسرتين فوضع على كل قبر منهما كسرة . فقيل [۲] يارسول الله لم فعلت هذا . قال [۳] لعله ان يخفف عنهم ما لم يلبسوا . [۴] برروایتده (فیلله) . [۳] الله کی نسخه لده (قال صلى الله عليه وسلم) . [۴] برروایتده (مالم تلبسوا) ، دیگرنده ده (الان تلبسوا) ، دیگرنده (الى ان تلبسوا) ، دیگرنده ده (الى ان تلبسوا) .

۱۶۴ - حدیث شریف

عن انس رضي الله عنه قال كان رسول الله صلى الله عليه وسلم [۱] اذا تبرز لحاجته آتته بماء فيغسل به . [۲] [۱] دیگر روایتده (كان النبي صلى الله عليه وسلم) . [۲] الله کی نسخه لرك بعض لده فاسز اوله رق يالكز (يفسل به) ، بر روایتده (فيغسل) ، دیگرنده ايسه صيفه ماضى ايله (فتغسل) .

۱۶۵ - حدیث شریف

عن ابى هريرة رضي الله عنه قال قام اعرابي في المسجد فبال [۱] . فتناوله الناس . فقال لهم النبي صلى الله عليه وسلم دعوه وهريقوا [۲] على بوله سجلا من ماء او ذنوبامن ماء [۳] فانما بعثتم ميسرين ولم تبعثوا معسرين . [۱] بعض روایتده (فبال في المسجد) . [۲] مؤلفك دیگر روایتده (واهرقوا) . [۳] لفظده کی شك راوینکدر .

۱۶۶ - حدیث شریف

عن ام قيس بنت [۱] محسن رضي الله عنها انها اتت بابن لها صغير لم يأكل الطعام الى رسول الله صلى الله عليه وسلم فاجلسه رسول الله صلى الله عليه وسلم في حجره فبال على ثوبه فدعا بماء فنضحه ولم يغسله . [۱] برروایتده (ابنة) .

۱۶۷ - حدیث شریف

عن حذيفة رضي الله عنه قال اتى رسول الله صلى الله عليه وسلم [۱] سباطة قوم فبال قائما . ثم دعا بماء فجثته بماء فتوضأ . [۱] الله کی بخاری نسخه لده (اتى النبي صلى الله عليه وسلم) .

۱۶۸ - حدیث شریف

وعنه في رواية اخرى قال فالتبذت منه فاشار الى جثته . فقامت عند عقبه [۱] حتى فرغ . [۱] برروایتده (عند عقبه) .

کورپورلر . عذاب کورملری ده بویوک برشی ایچون دکلدن . بویوردقندن صوکره (ینه دوام ایدهرک) : « اوت (کناهارى بویوکدر) بری بولندن صاقینمزدی . دیگرى ده قوغوجلیق ایدردی . بویوردی . ارندن صوکره صویولمش تازه بر خورما دالی ایستدی . دالی ایکی پارچه ایتدی . هر برینک قبری اوزرینه بر پارچه دیکدی . «ارسول الله ! بونی نیچون یابدک ؟» دیه صوردیلر . « بولر تازه قالدقجه بلکه (عذابلری) خفیفلر » جوابی ایردی .

۱۶۴ - ترجمه

انس (بن مالك) رضی الله عنہك شویله دیدیکی روایت اولونیور : رسول الله صلى الله عليه وسلم (قضای) حاجتی ایچون طیشاری به جیقدیغنده کندیسنه صو کورتوروردم . اوده اونکله بیقازردی .

۱۶۵ - ترجمه

ابوهریره رضی الله عنہك شویله دیدیکی روایت اولونیور : اعرابینک بری مسجدك بر طرف) ده طوروب بول ایتدی . اوراده کیلر باغیریشدیلر . نبی اکرم صلى الله عليه وسلم اولره بویوردی که : « براقك (ایشنی کورسون) .. صوکره بولنك اوزرینه بر قوغا صو دوکک . زیرا سزکوچلك دكل ، قولایلق کوسترمك اوزر ده مبعوث اولمشسکندر . »

۱۶۶ - ترجمه

ام قیس بنت محسن رضی الله عنہا دن روایت اولونیور که رسول الله صلى الله عليه وسلم هنوز طعام ایدهمین کوچوک براوغانی کتیرمش . رسول الله عليه وسلم چوجوغی قوجاغنه او طررتمش . چوجوق (رسول الله صلى الله عليه وسلمك) روبهسنه بول ایتمش . (رسول الله صلى الله عليه وسلم) صو ایسته یوب روبهسنه آزار آزار سرپمش و روبهسنی ییقامامشدر .

۱۶۷ - ترجمه

حذیفه (بن الیمان) رضی الله عنہك شویله دیدیکی روایت اولونیور : رسول الله صلى الله عليه وسلم (برکره) بر قومك سوپرونتیلککنه وارنجه آباقد بول ایتدی . صوکره صو ایسته دی . بر مقدار صو کورتوردم . اونکله آبدست آلدی .

۱۶۸ - ترجمه

دیگر روایتده ینه حذیفه (بن الیمان) رضی الله عنہك (بوحدیشه) « رسول الله صلى الله عليه وسلم دن اوزا قلاشدم . بکا اشارت ایتدی . یانسه واردم . و ایشنی بیتیرنجیه قدر (ذات شریفنی ستر ایچون) طوبوقلرینک یاننده طوردم . » دیدیکی نقل اولونیور ،

احمدنیم